



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Ambitio.

urn:nbn:de:hbz:466:1-10793

est magna consolatio multorum, qui per simplicitatem vel ignorantiam alienat res ecclesie inconulto Papa, in Nauar. ita d. commen. sub num. 17. vbi tenet valere alienationem in foro conscientie, post Abb. in c. 1. nu. 17. de ressi. in integr. i. Fel. in c. 1. num. 39. de constit. i. & hac breuiter, clare, vtiliter, & ordinate dixisse sufficiant de hac materia alienationis rerum ecclesie.

Stephanus Quaranta V. I. D.

K ADDITIO. Prescriptio immemorabilis etiam si omnibus prescriptionibus & consuetudinibus derogaretur, sub tali derogatione non comprehenditur. Masca. de probat. concl. 12. 15. num. 55.

Limita primo nili specialiter ipsa immemorabilis reiiciatur. Roderi. tom. 1. q. regular. q. 9. art. 5. in fine. Secundo limita quando consuetudo vti iniqua aufertur, & reprobetur, quia tunc similiter, & immemorabilis sublata, & reuocata censetur. Couar. cum alijs ab eo citatis lib. 3. var. resolut. c. 13. sub nu. 5. vide Gonfalen. ad 8. reg. cancel. glos. 33. fol. 472. & Alex. Monetam. in tract. de distribu. quotidiana. par. 2. q. 12. nu. 22.

L ADDITIO Aduertendum vero est, quod licet quidam Doctores tenuerint contrarium, vt refert Rebuff. in d. comp. nu. 42 & Redoa q. 46 tamen est intelligendum vt possit quis tuta conscientia retinere rem ecclesia absque solennitatibus alienatam in euidentem eius vtilitatem quousque ecclesia restitutionem petierit. ita Sarmen. notabiliter conciliando Doctores in tract. de rediti. eccles. par. 1. capit. 2. num. 6 & 7.

A M B I T I O .

PRÆTER Summissas sciendum est, Pium Quartum edidisse Constitutionem Romæ publicatam die 5. Octobris 1565. incip. & si Rom. Pont. fol. 849. in Bul. lario.

Contra Nuncios Apostolicos, ne a principibus ad quos mittuntur, debeant mendicare fauores, aut literas commendatitias ad dignitates, & gradus obtinendos, aut fauores ad officia ecclesiastica consequendum per Rom. Pont. conferenda ipsis, vel alijs consanguineis, & necessarijs suis, neue illis etiam vltro sibi per Principes sponte oblatis vti sub maioris excommunicationis lata sententia, ac priuationis ecclesiarum, & beneficiorum penis, & inhabilitatis ad illa, & sufficienter literæ, vel preces oratorum Principum ad hoc legitime probandum, & omnino conuincendum tenoris sequentis.

*Cogru
it tit.
de sen-
ten. ex
com.
seu. de
conces.
preb.*

Pius Episcopus seruus seruorum Dei. Ad futuram
rei memoriam.

ET si Romanum Pontificem, quem Dominus omnipotens in persona principis Apostolorum ecclesie militanti sponsæ suæ præficere dignatus est, in eius vniuerso corpore a noxijs, quæ passim in illud irrepunt præseruando plurimum decet esse sollicitum, in hoc tamen eum multo magis inuigilare necesse est, ne per importunum suorum priorum ministrorum qui frequenter ab eius latere ad diuersos orbis principes peregre miti solent ambitum dum videlicet eorum non-

nonnulli inordinato cursu ad dignitates quaslibet anhelant, & ad hoc principum fauores demerendo Pontificiam, & ecclesie pro qua missi fuerunt causam vel impudenter prode, vel certe remissius agere non verentur, genuinus ille clericalis candor deturpetur, debitus praelatorum pudor inter laicos requiratur, integritatis antiqua persuasio minuatur, & ob illorum fluxam fidem immoderatamque cupiditatem ecclesiasticus ordo scandalose blasphematur. Sane considerantes, quod annis prateritis aliqui quorundam Romanorum Pontificum predecessorum nostrorum, ac etiam nostri, & Apostolica Sedis Nuncij ad diuersos principes seculares etiam pro ferijs, grauiusq; dicta sedis negotijs missi, muneris sui decorisque nimium obliui in detestandam praelaturarum aliorumq; ecclesiasticorum, atque adeo Cardinalatus honorum ambitionem collapsi ad illos alia qualibet, quam sanctissima Aaronis via peruenire satagentes, commendatitias super hoc literas, & indebitos fauores ab ipsis principibus emendicare non erubuerunt, & quod eis recto tramite gradiendo non dabatur assensus, & quibus non obsequi difficile fuisset Principum efflagitationibus extorserunt, in suimet qui per ostium non intrarunt animarum periculum, & prauum aliorum exemplum. Nos itaque referatum his artibus aditum huiusmodi, ne ceteris ite pateat diligenter ocludendum esse censentes, habita etiam cum venerabilibus fratribus nostris Sanctae Romanae Ecclesiae Cardinalibus in consistorio nostro secreto matura super hoc deliberatione, ac de illorum consilio & vnanimi assensu hac perpetuo valitura sanctione vniuersis, & singulis nostris, & quorumuis Romanorum Pontificum successorum nostrorum Nuncijs, alijsque ad quosuis Imperatores, Reges, Reginae, Duces & alios saeculares principes pro tempore ex quouis causa missis, cuiuscumque status, gradus, ordinis, vel praeminentiae sint, etiam si Episcopali, Archiepiscopali, Patriarchali, vel alia maiori praefulgeat dignitate, in virtute sanctae obedientiae, & sub maioris excommunicationis latae sententiae ac priuationis omnium, & singulorum Cathedralium etiam Metropolitanarum, & aliarum ecclesiarum ac Monasteriorum etiam consistorialium, nec non aliarum dignitatum, etiam maiorum, & principalium personatum, administrationum, & officiorum, ac canonicatum, & praebendarum, ceterorumque beneficiorum ecclesiasticorum cum cura, & sine cura saecularium, & quorumuis ordinum regularium, etiam ex quibusuis concessionibus, & dispensationibus Apostolicis in titulum Commendam Administrationem, & alias quomodolibet, ac etiam Romanae curiae & aliorum etiam saecularium cuiuscumque qualitatis etiam quae ex causa onerosa assecuti fuerint, officiorum per eos obtentorum, ac in habilitatis ad illa, & alia similia, vel dissimilia in posterum obuenenda, nec non infamiae perpetuae per contrafacientes eo ipso incurrendis penis auctoritate Apostolica harum serie districtius inhibemus, ne deinceps similes Imperatorum, Regum, Reginarum, Ducum, aut aliorum Principum saecularium commendationes, preces aut alios etiam vocales, aut in scriptis fauores, ad aliquas Pontificias, aut alias dignitates saeculares, vel regulares, aut etiam Cardinalatus, vel alios honores & officia ecclesiastica consequendum, aut sibi vel alijs consanguineis, & necessarijs suis quoquomodo per ipsum Romanum Pontificem conferenda, per se vel alium seu alios directe vel indirecte quomodolibet ambire, seu procurare, neve illis etiam vltro sibi per Principes sponte oblati vti praesumant, vel audeant: eadem auctoritate, & presentium tenore statuentes, quod omnes, & singuli in praemissis delinquentes nulla alia monitione praecedente, & absque processu desuper habendo sententias, & penas praemissas irremissibiliter eo ipso incurrant.

Quod-

Quodque ad illos sententias, & penas huiusmodi damnabiliter incurrisse legitime probandum, & omnino convincendum sola Principum ipsorum litera vel preces etiam per suos apud Sedem predictam Oratores verbotenus porrecte plenam, indubiam, & sufficientem in iudicio, & extra fidem faciant, nec ad id alterius probationis adminiculum requiratur. Ac decernentes ita per quoscunque iudices & Commissarios etiam Sancte Romanae Ecclesie, Cardinales, sublata eis quavis aliter iudicandi, & interpretandi facultate iudicari, & diffiniri debere. Nec non ea nunc in ritum, & inane quicquid secus super his a quoquam quavis auctoritate scienter, vel ignoranter contigerit attentari. Ne quis autem inhibitionis, & statuti predictorum ignorantia pretendere valeat, volumus presentes literas in Basilica eiusdem Principis Apostolorum de urbe, & Cancellaria Apostolica valuis per aliquem ex Cursoribus nostris earum exemplum ibi affigendo, & dimittendo publicari, publicationemque & affixionem huiusmodi singulos, & post duos menses immediate sequentes non secus afficere, ligare, & perinde ac stare, ac si litere ipse personaliter illis intimatae fuissent.

Contra proiustos de cathedralibus, & monasterijs, Nunciatoribus dantes, vide constitutionem Greg. XI. relatam infra in verbo electio.

A P O S T A T A .

PRETER Caietan. & Summistas in hoc verbo sciendum est. Constitutionem Pauli IV. contra Apostatas a religione Pium 4. reuocasse, & ad terminos iuris reduxisse, vt in Bullario, fol. 654. incip. Sedis Apostolica. adeo quod hodie attenditur dispositio iuris communis prout habetur in c. pen. & fin. de apost. in c. si de regular. & in c. 2. ne cler. vel monac. in 6. De huiusmodi Apost. item & de legitime a religione expulsis, nouissime & copiose scripsit Eman. Roder. tom. 1. quest. regu. q. 30. per totam. quibus quomodo ex Nauarri sententia sit consulendum, vide ipsum in conf. 75. de regular. in nou. An autem regularis, qui ob timorem iustitie propter aliquod crimen ab eo perpetratum ne capiatur, & puniatur a suo superiore, deserens tamen habitum regularem sed coopertum, alio habitu publice superindutus in cedens sit Apostata censendus? Respondeo, quod cum casus Venetijs accidisset, fuit pro tali diiudicatus, & punitus, referente Thoma Trinisano lib. 2. decis. 19. tu quia deserere habitum regularem est de essentia religionis & gestare illum coopertum, perinde est, ac si non ferret cum non videatur, tum quia predictus timor, cum sit respectu pena benemerita, non dicitur excusabilis, & iustus, quinimmo punibilis. Et an ex sola habitus regularis dimissione, etiam quod non aliter constaret de animo deserendi religionem, apostasia crimen incurratur, videndus est Achil. de Graf. decis. unica, sub tit. de apostatis.

APOSTOLORVM LIMINA.

TENENTVR episcopi visitare limina Apostolorum c. iuxta. 93. distin. cap. ego. de iure iur. habetur in Pont. Rom. de forma iuramenti electi in episcopu, & de Pallio. & statuit Sanctus Greg. magnus vt legitur in Breviario Rom. die 12. Martij. Sixtus V. constitutionem edidit de visitandis liminibus Apostolorum publicatam Romae die 20. Decembris 1585. incip. Romanus Pontifex, & infra. fol. 45.

Cogru-
it rit.
de iure
iuran.
sex de
maio.
& obe-
dien.

Hac